

Bangunkan sektor pelancongan Sungai Lembing berperingkat

KUANTAN - Pembangunan sektor pelancongan di Sungai Lembing perlu dilaksanakan secara berperingkat dalam tempoh ditetapkan supaya semua produk pelancongan yang ada dapat dimanfaatkan dengan sebaik mungkin.

Ahli Parlimen Paya Besar, Datuk Seri Abdul Manan Ismail berkata, kawasan Sungai Lembing sememangnya mempunyai banyak lokasi menarik yang menjadi tarikan pelancong.

Menurutnya, perancangan terancang perlu dilaksanakan untuk tempoh jangka masa panjang.

"Antara lokasi pelancongan yang menjadi tumpuan adalah Bukit Panorama, Air Terjun Pelangi, Kolam Air Panas selain Muzium Sungai Lembing dan Terowong Sungai Lembing.

"Saya juga melihat keperluan untuk memperkenalkan pakej pelancongan lengkap di Sungai Lembing untuk memastikan pelancong dapat menikmati suasana di sini," katanya.

Beliau berkata demikian kepada pemberita ketika ditemui pada Program Lawatan Pembangunan Sungai Lembing oleh Majlis Perbandaran Kuantan (MPK), kelmarin.

Hadir sama, Yang Dipertua MPK, Datuk Fadzilla Salleh.

Abdul Manan berkata, melalui lawatan itu, beliau yakin dengan



Fadzilla (tengah) bersama kakitangan MPK bergambar kenangan di puncak Bukit Panorama.

SINAR HARIAN 3/2/2017
sektor pelancongan di kawasan itu dapat menjadi satu lokasi tarikan kepada pelancong.

Beliau berkata, kebanyakan pelancong luar seperti dari China dan Jepun sering berkunjung ke sana bagi melawat lokasi menarik.

"Saya optimis terhadap perancangan yang akan dilaksanakan MPK selepas melihat produk pelancongan menarik yang ter-

dapat di sini.

"Mungkin pada masa akan datang, kita boleh menganjurkan lebih banyak program untuk menarik pengunjung seperti Larian Sungai Lembing dan sebagainya," katanya.

Sementara itu, Fadzilla berkata, pihaknya akan menaik taraf beberapa infrastruktur seperti tangga dan lampu jalan di kawa-

san diperlukan.

Katanya, pihaknya akan memohon peruntukan daripada kerajaan persekutuan untuk menaik taraf semua kemudahan seperti tiang bendera, menara tinjau di puncak Bukit Panorama.

"Kita anggar kos kerja naik taraf itu mencecah RM500,000 dan ia akan dilaksanakan sebaik peruntukan diperoleh," katanya.